



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTOV 0016995 19

Sarajevo, 13.12.2022. godine

**SUD BOSNE I HERCEGOVINE**  
**SARAJEVO**  
*Sudiji za prethodno saslušanje*

Temeljem člana 35. stav 2. tačka i) i članova 226. i 227. Zakona o krivičnom postupku Bosne i Hercegovine, podižem:

**OPTUŽNICU**

*Protiv lica:*

**KUKOBAT ŽELJKA,** rođenog  
1962. godine u Glamoču,

državljanina BiH i R Srbije,

**JAMEDŽIJA MOMIRKE,** rođene  
1960. godine u Foči,

državljanke BiH i R Srbije,

**MANOJLOVIĆ SLOBODANKE,**  
rođene 1965. godine u Banja Luci,

državljanke BiH,

**LONČAR LIDIJE,** rođene 1959.  
godine u Bužimu,

državljanke BiH,

5) **KULENOVIĆ NEDIMA,**  
rođenog 1955. godine u Banja Luci,

državljanina BiH,

**Što su:**

U periodu od marta 2007. godine pa do 19.03.2013. godine, **Kukobat Željko** iz Banja Luke, vlasnik i direktor pravnog lica „SIMA“ d.o.o Aleksandrovac-Laktaši, organizirao grupu ljudi, u smislu člana 1. stava 20. KZ BiH, a u cilju učinjenja krivičnog djela propisanog zakonom BiH, kojoj grupi su pristupili **Jamedžija Momirka**, iz Banja Luke, direktor i odgovorno lice u navedenom pravnom licu, te uposlenici UIO BiH i to: **Manojlović Slobodanka**, stručni saradnik u Grupi za reviziju i kontrolu RC Banja Luka, UIO BiH, **Lončar Lidija**, stručni saradnik u Grupi za reviziju i kontrolu RC Banja Luka, UIO BiH, te **Kulenović Nedim**, šef Grupe za prinudnu naplatu RC Banja Luka, UIO BiH i koji su zajedničkim djelovanjem počinili krivična djela, a sve u namjeri da **Kukobat Željko** utaji porez u iznosu od 2.758.558,00 KM, a zatim isti zadrži za sebe i to tako što su:

**Kukobat Željko**, radeći kao vlasnik i direktor (od 26.05.2011. do 02.09.2012.), a **Jamedžija Momirka**, radeći kao direktor i odgovorno lice (od 27.12.2004. do 25.05.2011.) u pravnom licu „SIMA“ d.o.o. Aleksandrovac-Laktaši, po prethodnom dogovoru, u namjeri da za račun preduzeća „SIMA“ d.o.o. Aleksandrovac-Laktaši, odnosno njegovog vlasnika, pribave protivpravnu imovinsku korist, nakon što je **Kukobat Željko** donio odluku o prestanku rada fabrike i 15.05.2010. godine prekinuo radni odnos sa radnicima, te znajući da fabrika ne radi, a da su mašine i oprema koja su bila predmetom leasinga i po kojima je koristio pravo odbitka ulaznog poreza, Rješenjem o izvršenju Osnovnog suda u Banja Luci broj: [REDACTED]



mašine izuzete od strane vlasnika leasinga [REDACTED], svjesno **prikrili** ovakve činjenice i podatke i **namjerno propustili** da Upravi za indirektno oporezivanje BiH **podnesu izmjenjene PDV-e prijave** i izvrše ispravku odbitka ulaznog poreza u iznosu od 323.034,00 KM, na pomenutu opremu, tj. po ovom osnovu kao i po ostalim nabavkama u periodu od marta 2007. do oktobra 2012.godine, iako su znali da je po ovom osnovu i po ostalim nabavkama u navedenom periodu iskorišteno pravo odbitka ulaznog poreza u ukupnom iznosu od 3.487.439,85 KM, a zatim da bi to prikrili podnijeli PDV prijave samooporezivanja za poreske periode od 01.06.2010. do 31.08.2012.godine sa prometom 0,00, gdje je Momirka Jamedžija ovakve PDV prijave podnijela u maju i junu mjesecu 2010.godine, a Kukobat Željko u periodu od jula do decembra 2010.godine, zatim u toku cijele 2011.godine, sve do septembra 2012.godine, te tako postupili suprotno odredbama člana 36. stav 2. a u vezi sa članom 38. i članom 39. Zakona o PDV-u, a pravno lice „SIMA“ d.o.o. Aleksandrovac, Laktaši, ID broj [REDACTED], protivpravno raspolagalo sa utajenim iznosom u svom svakodnevom poslovanju, gdje je **Manojlović Slobodanka**, stručni saradnik u Grupi za reviziju i kontrolu RC Banja Luka, UIO BiH, radeći kao inspektor i službeno lice u martu 2012. godine izvršila kontrolu u preduzeću „SIMA“ d.o.o. Aleksandrovac Laktaši i sačinila **Zapisnik o kontroli broj:** [REDACTED] kojim je kontrolisan poreski period od 01.07.2010 do 31.01.2012. godine, a u kojem Zapisniku je konstatovala činjenicu da preduzeće ne radi još od maja 2010. godine, **te po dogovoru sa Kukobat Željkom namjerno propustila** da kontrolisanom obvezniku u momentu kontrole **utvrdi dodatnu poresku obavezu** u iznosu od 323.034,00 KM, odnosno poreskom obvezniku ospori prethodno ostvareno pravo na odbitak ulaznog poreza na opremu nabavljenu putem leasinga, shodno odredbama člana 92. i 93. Zakon o postupku indirektnog oporezivanja (Sl. Glasnik BiH 89/05, 100/13), te člana 29. Zakona o Upravi za indirektno oporezivanje (Sl. Glasnik BiH 89/05), a u vezi sa odredbama člana 36. stav 2.i članom 38., te članom 39. Zakon o PDV-u, usljed čega je nastupila šteta po Budžet BiH, a korist za poreskog obveznika u iznosu od 323.034,00 KM, što je isto učinila i **Lončar Lidija**, radeći kao stručni saradnik u Grupi za reviziju i kontrolu RC Banja Luka UIO BiH, odnosno kao inspektor i službeno lice izvršila kontrolu u preduzeću „SIMA“ d.o.o. Aleksandrovac, Laktaši – u stečaju i sačinila Zapisnik o kontroli broj: [REDACTED] kojim je obuhvaćen poreski period od 01.02.2012. do 31.08.2012. godine, a u kojem Zapisniku je konstatovala činjenicu da je kod preduzeća „SIMA“ d.o.o. Aleksandrovac, Laktaši, otvoren stečajni postupak sa danom 03.09.2012. godine Rješenjem Okružnog privrednog suda u Banja Luci broj: [REDACTED], da preduzeće ne radi i da je tu činjenicu saznala i od Jamedžija Momirke, te po prethodnom dogovoru sa Kukobat Željkom namjerno **propustila da izvrši ispravku ulaznog poreza**, odnosno kontrolisanom obvezniku u momentu kontrole ospori prethodno ostvareno pravo na odbitak ulaznog poreza u iznosu od



323.034,00 KM, na opremu nabavljenu putem leasing-a, zbog čega ovom poreskom obvezniku ponovo nije utvrđen prijedlog razreza indirektnih poreza, shodno gore navedenim odredbama Zakona o postupku indirektnog oporezivanja i Zakona o PDV-u, te Informacijom broj: [REDACTED] Sektora za poreze, gdje su ovakvim postupanjem i očiglednim propuštanjem dužnosti nadzora, kako Manojlović Slobodanka tako i Lončar Lidija postupile nesavjesno u vršenju službene dužnosti, uslijed čega je prouzrokovana šteta po budžet BiH, a korist za poreskog obveznika u iznosu od 323.034,00 KM, iako su znale i morale znati da je poreski obveznik u prethodnom periodu ostvario poreski kredit ili povrat u ukupnom iznosu od 3.487.439,85 KM zaključno sa 30.06.2010. godine, a da je preduzeće prestalo sa radom i obavljanjem poslovne djelatnosti u maju 2010. godine, te da je Osnovni sud u Banja Luci dana 16.09.2011.godine donio Rješenje o izvršenju i vraćanju opreme koja je bila predmetom leasinga vlasniku [REDACTED], a na koju je kontrolisani obveznik koristio pravo na povrat PDV-a, kao i da je poreski obveznik podnio PDV prijave samooporezivanja za poreske periode 01.07.2010 do 31.08.2012. godine sa prometom 0,00 KM, a zatim **Kulenović Nedim** radeći kao šef Grupe za prinudnu naplatu RC Banja Luka UIO BiH i službeno lice, a po prethodnom dogovoru sa Kukobat Željkom, uticao na Manojlović Slobodanku i Lončar Lidiju da ove sačine gore pomenute Zapisnike o kontroli sa netačnim zaključcima da kontrolisani obveznik nije imao dugovanja po osnovu indirektnih poreza, nakon čega je **Kulenović Nedim** dana **15.02.2013.** godine kroz Internu dostavnu knjigu za 2013. godinu pod rednim brojem [REDACTED] zaprimio **Zapisnik o kontroli broj:** [REDACTED] koji Zapisnik je popratnim aktom dostavljen od strane Odsjeka za poreze RC Banja Luka, a nakon izvršene ove vanredne kontrole u kojem zapisniku je poreskom obvezniku „SIMA“ d.o.o. Aleksandrovac, Laktaši, u decembru 2012. godine utvrđena dodatna poreska obaveza u ukupnom iznosu od **2.758.558,00 KM** po osnovu neplaćenog PDV-a (koji se sastojao od neplaćenog PDV u iznosu od 323.034,00 KM na nabavljenu opremu po leasingu u vrijednosti od 7.125.751,25 KM, a zatim neplaćeni porez od 1.259.664,09 KM, koji iznos su koristili kao pravo na odbitak ulaznog poreza prilikom igradnje građevinskog objekta vrijednosti od 11.699.666,39 KM, te iznos poreza od 1.106.915,82 KM, koji predstavlja odbitak ulaznog poreza su koristili prilikom nabavke druge vlastite opreme u vrijednosti od 6.511.169,48 KM, a zatim obračunati i prijaviti porez u iznosu od 68.943,93 KM na dobra u svojim zalihama u vrijednosti od 405.552,51 KM), što je sve ovaj poreski obveznik bio dužan prijaviti UIO/UNO BiH u PDV prijavama nakon što je firma prestala sa radom, da bi zatim **Kulenović Nedim** po prethodnom dogovoru sa **Kukobat Željkom** da nadležnom sudu u ime povjerioca UIO/UNO BiH kao ovlašteno lice **ne podnese Prijavu potraživanja u utvrđenom iznosu od 2.758.558,00 KM**, **Kulenović** to namjerno i propustio čak i dana **19.02.2013.** godine, što je ujedno bio i krajnji rok za podnošenje prijave potraživanja u stečajnom postupku nad pravnim licem „SIMA“ d.o.o.Aleksandrovac,Laktaši-u



stečaju, na šta je bio upozoren i pismenim putem od strane Šefa odsjeka UIO/UNO BiH [REDACTED] odnosno Kulenović nije podnio osnovan imovinsko-pravni zahtjev, a koji se temelji na sačinjenom dostavljenom Zapisniku o kontroli i dodatno utvrđenoj obavezi u iznosu od 2.758.558,00 KM po osnovu neplaćenog PDV-a, kako bi se steklo pravo potraživanja naplate iz stečajne mase stečajnog dužnika u navedenom iznosu, shodno članu 34., a u vezi sa članom 36. Zakona o stečajnom postupku RS („Službeni glasnik RS“ broj: 67/02, 77/02, 38/03, 96/03, 68/07, 12/10 i 16/10), kojim namjernim propuštanjem službene dužnosti je prouzrokovana šteta po Budžet BiH, a pribavljena materijalna korist za poreskog obveznika, odnosno njegovog vlasnika Kukobat Željka u iznosu od 2.758.558,00 KM, iako je Kulenović bio upoznat da je nad pravnim licem „SIMA“ d.o.o. Aleksandrovac, Laktaši otvoren stečajni postupak dana 03.09.2012. godine **Rješenjem Okružnog privrednog suda u Banja Luci broj: [REDACTED]** [REDACTED] koje je zaprimio **dana 05.09.2012. godine** kroz Internu dostavnu knjigu za 2012. godinu [REDACTED]

**Dakle, Kukobat Željko** organizirao grupu ljudi u cilju učinjenja krivičnih djela propisanih zakonom BiH, a **Jamedžija Momirka** postala pripadnik ove grupe ljudi, koji su nepružajući podatke od bitnog uticaja za utvrđivanje porezne obaveze, odnosno pružajući lažne podatke o svojim stečenim oporezivim prihodima, izbjegli plaćanje poreza na dodatnu vrijednost u iznosu preko 200.000,00 KM, a **Manojlović Slobodanka, Lončar Lidija i Kulenović Nedim** također postali pripadnici ove grupe ljudi koji su kao službene i odgovorne osobe u institucijama BiH svojim radnjama, tj. kršenjem zakona i propuštanjem dužnosti nadzora, očigledno nesavjesno postupili u vršenju svoje dužnosti, uslijed čega je nastupila imovinska šteta za budžet BiH, koja prelazi iznos od 10.000,00 KM,

**Čime je Kukobat Željko** počinio krivično djelo Udruživanje radi činjenja krivičnih djela iz člana 249. stav 1. KZ BiH u vezi sa krivičnim djelima Porezne utaje ili prevare iz člana 210. stav 4. KZ BiH, a **Jamedžija Momirka** počinila krivično djelo Udruživanje radi činjenja krivičnih djela iz člana 249. stav 2. KZ BiH u vezi sa krivičnim djelom Porezne utaje ili prevare iz člana 210. stav 4. KZ BiH, te **Manojlović Slobodanka, Lončar Lidija i Kulenović Nedim** počinili krivično djelo Udruživanje radi činjenja krivičnih djela iz člana 249. stav 2. KZ BiH u vezi sa krivičnim djelom Nesavjestan rad u službi iz člana 224. stav 2. KZ BiH.

**TUŽITELJICA**  
**TUŽILAŠTVA-TUŽITELJSTVA BiH**